



UNIVERSITÄTS-
BIBLIOTHEK
PADERBORN

Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt XV. Redditur atque explicatur vera dilationis ratio: vt videlicet progressu temporum palam fieret talis tantiq[ue] liberatoris neceßitas.

[urn:nbn:de:hbz:466:1-46059](#)

Prophetæ: nec serò est impletum, quod semper est cre-
ditum. Et infrà: Non itaque nouo consilio Deus rebus
humanis, nec sera miseratione consuluit: sed à consti-
tutione mundi, vnam eandemque omnibus causam
salutis instituit. Gratia autem Dei qua semper est vni-
uersitas iustificata sanctorū, aucta est Christo nascen-
te, non cœpta. Et hoc magnæ pietatis sacramētum, quo
totus iam mundus impletus est, tam potens etiam in
suis significationibus fuit; vt non minùs adepti sicut
qui in illud credidere promissum, quam qui suscepere
donatum. Et ad eum quidem modum Leo. His ergo
constitutis, quæ sunt in Christiana religione certissi-
ma; non dubitemus summa Dei sapientia factum esse,
vt sub finem sæculorum, Verbum caro fieret, omnium
salutis causa. Cuius rei etiam si nos rationem percipere
nullam omnino possemus: submittere tamen animos
Deo deberemus. nam, vt præclarè monet Augustinus
eadem epistola: *Quid quando fiat quod ad vnam ean-
demque fidelium & piorum liberationem pertineat,*
consilium Deo tribuamus, nobis obedientiam tenea-
mus. licet tamen modestè huius consilij rationes ex-
quirere, quemadmodū id à veteribus factū reperimus.

CAPVT XV.

Redditur atque explicatur vera dilationis ratio: vt videlicet
progressu temporum palam fieret talis tantiq[ue] liberatoris
necessitas.

IN humani generis igitur reparatione, sic egit Deus,
vt agnisci palamque esse vellet, quid ipsius esset
gratiæ tribuendum: & cuiusmodi ex nobis essemus,
quantumque sine Dei adiutorio præstare possemus.
Ideoque primùm legē dedit salis Iudæis, ceteris gen-
tibus in sua ignorantie relictis: ne videlicet naturæ
omnium adscriberetur, quod cerneretur in omnibus.
Nec statim quidem dedit eam vlli genti. nam quod
P 3 fuisset

fuisse mox à lapsu tributum; id sibi proclivitatem arrogassent. Et quippe est mortalium animis innata persuasio, ut quibus se non meminerint caruisse, aut quae sibi cum omnibus communia esse percipiatur, haec non graviae Dei accepta ferenda, sed aut viribus suis parta, aut meritis ad seribeda pertinet. Quocirca Moyses Deuteronomij cap. 32, ut populo spectatum faceret gratias Dei beneficium in donada lege, reuocat eis in memoriam quid ante, & quam diu fuerint. Memeto, inquit, dierū antiquorū, cogita generationes singulas: interrogat patrem tuum, & annūciabit tibi; maiores tuos, & dicent tibi. Quādo diuidebat altissimus gentes, quādo separabat filios Adam, cōstituit terminos popolorum, iuxta numerū filiorum Israēl. Pars autem Domini, populus eius: Jacob funiculus hereditatis eius. Incedit enim in terra deserta, in loco horroris, &c. Tandem ergo legem dedit, non statim: longoq[ue] tempore passus est homines in mira & vniuersitatis Dei & officiorum ignoratione versari. Itaque in varios idolorum cultus, & nefanda sceleris, homines passim proruebant, non obstante lumine naturali, quia quod erat eius reliquā, sensim extinguebatur densiore caligine vitorū. Hinc omnino defectus innotuit scientiæ Dei, sicut verè dups Thomas annotauit. Defectus autem virtutis, inclavit homini tempore legis scriptæ: quia licet homo per legem esset eruditus, tamen iugum peccati excutere nondum potuit. Namque habita iam cognitio q[uod] legē, nondum omnis adempta superbia est. Illud enim persuasum tenebant, legem sibi sufficere ad bene iusteque vivendum. proinde accepta lege, omnia, inquietū, que p̄cepit nobis Deus, faciemus. arrogatiū certe quām vere. Quamquam igitur essent homines animis ægri, tamen in sua ægritudine tanquam sanos se maximē tum cùm vehementer languent, arbitrātur. Ergo,

Aug. epist. 39.

Ergo, aiebant, etiam si oportuerit nobis a Deo cōmōnū
strari degendae vitæ rationem, tamen ea iam cognita,
possimus ex nobis bene viuere. Quod tantum aberat
ut verè sentirēt, ut essent etiam deteriorēs euafuri. Vbi
enim sanctus non adiuuat Spiritus, inspirans pro con-
cupiscentia mala, concupiscentiam bonam; hoc est,
charitatem diffundens in cordibus nostris: profecto
illa lex quamvis bona, auget prohibendo desiderium
malum: sicut aquæ impetus, si vnam in partem non
cesset influere, vehementior fit obice opposito; cuius
molem cùm euicerit, maiore cumulo præcipitatus,
violentius per prona prouoluitur. Nescio quo enim
modo, inquit Augustinus, hoc ipsum quod cōcupisci-
tur, fit iucundius dum vetatur. Sed priusquam hanc
suam infirmitatē perspexisset hominum genus, eamq.
faltē utilitatem ex lege cepisset; nondum tempus
erat ut veniret medicus. non enim ab agrato fuisset
acceptus, sed contemptus; istaque ratione, medicina
importunè adhibita, exasperasset morbum; non con-
tulisset sanitatis beneficium. Itaque debuerunt homi-
nes per legem cognoscere imbecillitatem suam: ut ea
explorata, intelligerēt sibi cælestem medicum esse ne-
cessarium; venientēque lubentes admitterent, ac mul-
tiplicatis infirmitatibus suis, postea accelerarent. Nam
si sibi, inquit Augustinus, adhuc sanī viderentur, nun-
quam accelerarent. Quare bohū est sic humiliari pec-
catorem: & nemo est insanabilior eo qui sibi sanus vi-
detur. hoc in Psalm. 58. Vnde & lex subintravit, ut
abundaret delictum, Paulo teste. Vbi autem abunda-
uit delictum, abundauit & gratia. Et lex, eodem affir-
mante Apostolo, prævaricationis gratia posita est; ut
simplici transgressioni cumulo prævaricationis adie-
sto, sola deprehenderetur minimè sufficere; ad peccatum
peccati fugiendam, cognitio veritatis. Propterea (ait
Chrysostomus in cap. 3. ad Romanos) & hūc tandem,

232 DE CHRISTIANA LIBERTATE
postremis videlicet temporibus venit: ne, si statim à
principio venisset, dixissent possibile fuisse, ut per le-
gem quis, propriisque laboribus & meritis saluaretur,
ut enim istam Iudeorum impudētiam obiuraret, mul-
tum temporis tardando insumpsit. ita vt posteaquam
omnino conuictum esset & clarum, neminē ex leipo
saluari posse, tunc primū per ipsius gratiam salus ad-
esset. Hæc Chrysostomus. Erant etiam homines durj
& rebelles, minimeque assueti iugo Domini porrādo.
Fuerunt ergo primū edomādi iugo Legis, & terrore
eius in officio continendi: quo sic à Lege tanquam pa-
dagogo ad Christum magistrum ducerentur: & qui
metu iam honestè viuere assueuerant, faciliùs, & ex
amore iustitiae, Christo præceptorī deinceps obedireb.
Idcirco Iudæis quidem Lex pædagogus fuisse dicitur
ad Christum, ad eumq̄ue vsum ordinata esse in manu
mediatoris, donec veniret semen: vt paulatim magnus
ille qui per vniuersum genus humanum iacebat egro-
tus, præpararetur ad suscipiendū medicum Christum.
Et hæc quidem prima sit ratio, quæ à diuino Augustino
sæpe redditur.

CAPUT XVI.

*Explicatur & alia ratio dilationis; inde petita, vt hominum
genus variis interea significationibus præpararetur.*

SECUND A eiusmodi est. non modò erat agendum
Hoc cum hominibus egris, vt intelligerent sibi me-
dicum esse necessarium: verum etiam erant multo an-
tè præparandi, vt crederent esse medicinam sibi repo-
sitā in Filio Dei, homine factō, & mortuo. Quia enim
mira illa adeoque inusitata fuit medendi ratio, facile
eam infirmi respuissent, non credentes se posse hac
ratione sanari, etiamsi laborare se graibus vitiorum
morbis non dissisterentur. Ea quippe de causa, crucis
prædicatio Gentilibus stultitiae loco fuit: quod, tametsi
naturæ